



KEMENTERIAN WILAYAH PERSEKUTUAN

Aras G-7, Blok 2, Menara Seri Wilayah, Presint 2, 62100 Putrajaya

Tel: 03-8889 7888 Faks: 03-8889 7957

Laman web: www.kwp.gov.my

SIARAN MEDIA

UNTUK LIPUTAN MEDIA MASSA

KWP MERAIKAN 2,500 GOLONGAN KURANG BERNASIB BAIK DI WILAYAH PERSEKUTUAN SEMPENA SAMBUTAN TAHUN BARU CINA

KUALA LUMPUR, 6 Februari 2017 – Kementerian Wilayah Persekutuan (KWP) hari ini meraikan seramai 2,500 orang yang susah dan memerlukan di Wilayah Persekutuan dalam Majlis Sambutan Tahun Baru Cina yang diadakan di Dataran DBKL, Kuala Lumpur.

2. Majlis dihadiri oleh YB Datuk Seri Utama Tengku Adnan bin Tengku Mansor, Menteri Wilayah Persekutuan dan isteri YBhg. Datin Seri Utama Anggraini Sentiyaki turut mengagihkan sumbangan wang tunai kepada keluarga miskin, orang kurang upaya termasuk OKU kanak-kanak dan warga emas yang disumbangkan oleh Yayasan Wilayah Persekutuan (YWP) melibatkan peruntukan sebanyak RM75,000.00. Selain itu De Market Supermarket juga turut menyumbangkan buah limau mandarin sebanyak 200 kotak untuk diagihkan kepada pengunjung.

3. Penganjuran program bertujuan untuk bersama-sama meraikan perayaan utama bangsa Tiong Hua ini dengan insan yang kurang bernasib baik. Di samping itu sambutan ini juga menjadi landasan bagi mengukuhkan ikatan kekeluargaan, dan persahabatan di kalangan warga Wilayah Persekutuan. Sambutan ini turut merupakan simbol keunikan serta keistimewaan yang ditonjolkan kepada pelancong khususnya terhadap nilai-nilai keprihatinan, saling menghormati dan menyayangi serta berkongsi kegembiraan yang dikecapi oleh masyarakat majmuk di Malaysia.

4. Sambutan Tahun Baru Cina ini juga merupakan salah satu program utama di bawah kluster mesra rakyat yang dianjurkan sempena Sambutan Hari Wilayah Persekutuan 2017 dengan tema “Wilayah Ceria, Rakyat Sejahtera”. Di mana sebanyak 45 program telah disusun sempena Sambutan Hari Wilayah Persekutuan dengan pengisian yang menarik dan pastinya memberi manfaat kepada seluruh warga Wilayah Persekutuan merangkumi kepelbagaian lapisan masyarakat dari golongan kanak-kanak, remaja, belia dan juga dewasa.

5. Harapan Kementerian agar seluruh warga Wilayah Persekutuan bersama-sama berganding bahu bergerak ke arah mencapai matlamat menjadikan Wilayah Persekutuan lebih cemerlang dan gemilang pada tahun ini. Di samping itu sempena sambutan Tahun Baru Cina pada tahun ini juga semua warga Wilayah Persekutuan di seru dapat menyemarakkan lagi semangat perpaduan, kemakmuran dan keamanan bagi menzahirkan Wilayah Persekutuan yang ceria serta sejahtera.

Disediakan Oleh:

Bahagian Komunikasi Korporat
Kementerian Wilayah Persekutuan
Kuala Lumpur
6 Februari 2017